



Broj: 01/4-50-3-4-28/16  
Sarajevo, 28.7.2016.

## Z A P I S N I K

### **28. sjednice Komisije za finansije i budžet Predstavničkog doma Parlamentarne skupštine BiH, održane 27.7.2016., od 12,00 do 14,00 sati.**

Sjednici Komisije prisustvovali su članovi: Predrag Kožul, Salko Sokolović, Dušanka Majkić, Aleksandra Pandurević, Jasmin Emrić i Damir Bećirović.

Opravdano su odsustvovali: Nenad Lalić, Amir Fazlić i Mirsad Isaković.

Sjednici su, također, prisustvovali: Damir Arnaut, poslanik u Predstavničkom domu Parlamentarne skupštine BiH, Vjekoslav Bevanda, ministar, Sanja Jokić, sekretarka Ministarstva, Zakira Muratović, pomoćnica ministra, i Hidajeta Halilkanović, stručna savjetnica u Ministarstvu finansija i trezora BiH, Jelena Gotovac, predsjedavajuća Ureda za razmatranje žalbi, Dragana Dragić, savjetnica u Upravnom odboru Uprave za indirektno oporezivanje BiH, Elma Muratović i Karlo Holub, saradnici Projekta USAID-SGIP, Nejra Nematlija-Roić, saradnica Instituta za razvoj mladih KULT, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PSBiH, Robert Vidović, sekretar Komisije za finansije i budžet Doma naroda PSBiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Ana Marković, volonterka u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija Snežana Samardžija, novinarka SRNE, Azira Hrustemović, novinarka BHRT-a, i Semira Degirmendžić, novinarka Dnevnog Avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

## DNEVNI RED

1. Usvajanje Zapisnika 27. sjednice Komisije;
2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);

3. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);
4. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH);
5. Razmatranje Prijedloga zakona o izmjenama i dopunama Zakona o zaduživanju, dugu i garancijama Bosne i Hercegovine – prva komisijska faza (predlagač: Vijeće ministara BiH);
6. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Damir Arnaut);
7. Razmatranje Informacije Ureda za razmatranje žalbi, od 8.7.2016. (sačinilac: Ured za razmatranje žalbi).

Predloženi dnevni red usvojen je jednoglasno.

#### **Ad.1. Usvajanje Zapisnika 27. sjednice Komisije**

Zapisnik 27. sjednice Komisije usvojen je sa sedam glasova „za“ i jednim „suzdržanim“ glasom.

#### **Ad.2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);**

#### **Ad.3. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);**

#### **Ad.4. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH);**

Na prijedlog predsjedavajućeg, Komisija je jednoglasno objedinila raspravu o tačkama 2., 3. i 4. dnevnog reda 28. sjednice Komisije za finansije i budžet Predstavničkog doma PSBiH.

Ministar finansija i trezora BiH Vjekoslav Bevanda obrazložio je Prijedlog zakona o izmjenama i dopunama Zakona o akcizama u Bosni i Hercegovini, Prijedlog zakona o izmjeni Zakona o sistemu indirektnog oporezivanja u Bosni i Hercegovini i Prijedlog zakona o izmjenama i dopuni Zakona o uplatama na jedinstveni račun i raspodjeli prihoda.

Potom je predsjedavajući otvorio raspravu u kojoj su učestvovali: Damir Bećirović, Jasmin Emrić, Dušanka Majkić, Aleksandra Pandurević, Salko Sokolović, Predrag Kožul i Vjekoslav Bevanda, ministar finansija i trezora BiH.

Nakon rasprave, Komisija je, s četiri glasa “za” i dva “suzdržana”, usvojila sljedeće zaključke:

1) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjenama i dopunama Zakona o akcizama u Bosni i Hercegovini u prvoj komisijskoj fazi i traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona”.

2) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjeni Zakona o sistemu indirektnog oporezivanja u Bosni i Hercegovini u prvoj komisijskoj fazi i traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona”.

3) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda u prvoj komisijskoj fazi i traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona”.

4) “Komisija za finansije i budžet Predstavničkog doma Parlamentarne skupštine BiH traži od Kolegija Predstavničkog doma da, u skladu sa zaključcima Komisije, produži rok za 30 dana za dostavljanje mišljenja o Prijedlogu zakona o izmjenama i dopunama Zakona o akcizama u Bosni i Hercegovini, Prijedlogu zakona o izmjeni Zakona o sistemu indirektnog oporezivanja u Bosni i Hercegovini i Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda u prvoj komisijskoj fazi”.

#### **Ad.5. Razmatranje Prijedloga zakona o izmjenama i dopunama Zakona o zaduživanju, dugu i garancijama Bosne i Hercegovine – prva komisijska faza (predlagač: Vijeće ministara BiH)**

Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine obrazložila je Zakira Muratović, pomoćnica ministra finansija i trezora BiH.

Potom je predsjedavajući otvorio raspravu u kojoj su učestvovali: Dušanka Majkić, Aleksandra Pandurević i Zakira Muratović, pomoćnica ministra finansija i trezora BiH.

Nakon rasprave, Komisija je, s četiri glasa „za“, jednim glasom „protiv“ i jednim „suzdržanim“ glasom, prihvatila principe Prijedloga zakona o izmjenama i dopunama Zakona o zaduživanju, dugu i garancijama Bosne i Hercegovine.

#### **Ad.6. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Damir Arnaut)**

Prijedlog zakona o izmjeni Zakona o plaćama i naknadama obrazložio je poslanik Damir Arnaut.

Potom je predsjedavajući otvorio raspravu u kojoj su učestvovali: Aleksandra Pandurević, Predrag Kožul, Dušanka Majkić, Salko Sokolović i Damir Arnaut, poslanik u Predstavničkom domu PSBiH.

Nakon rasprave, Komisija je jednoglasno prihvatila principe Prijedloga zakona o izmjeni Zakona o plaćama i naknadama u institucijama Bosne i Hercegovine.

Također, Komisija je jednoglasno usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH traži od Vijeća ministara BiH da do 31.12.2016. izradi i u parlamentarnu proceduru dostavi sistemski i cjelovit Prijedlog zakona o plaćama i naknadama u institucijama Bosne i Hercegovine.“

**Ad.7. Razmatranje Informacije Ureda za razmatranje žalbi, od 8.7.2016. (sačinilac: Ured za razmatranje žalbi)**

Informaciju Ureda za razmatranje žalbi obrazložila je Jelena Gotovac, predsjedavajuća Ureda za razmatranje žalbi.

Potom je predsjedavajući otvorio raspravu u kojoj su učestvovali: Damir Bećirović, Jasmin Emrić, Predrag Kožul i Jelena Gotovac, predsjedavajuća Ureda za razmatranje žalbi.

Nakon rasprave, predsjedavajući je konstatirao da je Komisija primila k znanju materijal iz ove tačke dnevnog reda, te je zadužila Ured za razmatranje žalbi da izmijeni naslov Informacije koji treba da glasi: „Informacija o 58 presuda Bosne i Hercegovine kojim su poništena rješenja Ureda za razmatranje žalbi u žalbenom postupku za period 1.1.2015. do 31.12.2015“.

**Ad.8. Tekuća pitanja**

Predsjedavajući Komisije upoznao je članove o pozivu za prisustvo seminaru u organizaciji Ureda za reviziju institucija BiH, čije je održavanje planirano za 8.9.2016. u Sarajevu, te o pozivu Vestminsterske fondacije i Mreže parlamentarnih komisija za finansije i ekonomska pitanja na sastanak koji će biti održan u Beogradu 9. i 10.9.2016., te zadužio sekretara Komisije da dalje koordinira pripremu za učešće na ovim skupovima.

**Sekretar Komisije**

Željko Kosmajac

**Predsjedavajući Komisije**

Predrag Kožul

Prilog: Neautorizirani transkript 28. sjednice Komisije za finansije i budžet PDPSBiH